

ТРОПАРИ, КОНДАКИ, МОЛИТВЫ И ВЕЛИЧАНИЯ СОЛОВЕЦКИМ СВЯТЫМ

ОГЛАВЛЕНИЕ

Преподобным Зосиме, Савватию и Герману	2
Преподобному Зосиме	4
Преподобному Савватию	5
Преподобному Герману	6
Собору Соловецких святых	7
Святителю Филиппу	9
Пресвятой Богородице пред иконой «Хлебная»	11
Святителю Маркеллу	11
Преподобному Иринарху	12
Преподобному Елеазару Анзерскому	13
Преподобному Иову Анзерскому	14
Пресвятой Богородице в честь Ее явления прп. Иову Анзерскому	17
Преподобномученику Иову Ущельскому	18
Преподобному Диодору Юрьегорскому	20
Преподобным Иоанну и Лонгину Яренгским	22
Преподобным Вассиану и Ионе Пертоминским	23

**Преподобным Зосиме, Савватию и Герману,
Соловецким чудотворцам**

8/21 августа.

Тропарь, глас 8-й

Яко светильницы явистеся всесвѣтлии во отѣце окиана моря, преподобнии отцы наши Зосимо, Савватие и Германе: вы бо крест Христов на рамо взѣмше, усердно Тому последовасте, и чистотою Бѣгови приближившеся, отонудуже силами чудес обогатистеся. Темже и мы любезно притекаем ко святым мощем вашим, и умильно глаголем: о преподобнии, молитѣ Христа Бога спастися душам нашим.

Кондак, глас 2-й

Христовою любовью уязвившеся, преподобнии, и Того крест на рамо взѣмше, понесли есте, божественне вооружившеся на невидимыя враги, и непрестанныя молитвы яко копие в руках имуще, крепко победили есте бесовская ополчения; благодать Господню приемше целити недуги душ и телес притекающих ко святым мощем вашим, чудес лучи испущаете всюду. Тем зовем вам: радуйтесь, преподобнии отцы наши Зосимо, Савватие и Германе, монахов удобрение.

Молитва

О преподобнии и богоноснии отцы наши Зосимо, Савватие и Германе, земнии ангели и небеснии человецы, ближнии друзи Христовы и угодницы Бѣжии, обители ваша славо и украшение, всея же северныя страны, паче и всего Православнаго Отечества нашего неборимая стено и великое заступление! Се мы, недостойнии и многогрешнии, с благоговейною любовью ко святым мощем вашим припадающе, духом сокрушенным и смиренным сердцем прилежно молим вас: молитѣ непрестанно благосердаго Владыку и Господа нашего Иисуса Христа, яко дерзновение велие к Тому имущии, да не отступит от нас Его вседействующая благодать, покров же и заступление Пресвятыя Владычицы наша Богородицы на месте сем да пребудет, и да не оскудеют никогдаже истиннии ревнители ангельскаго жития во святей обители сей, идеже вы, богоноснии отцы и начальницы, безмерными труды и пощени, токи же слезными и всеночными бдени, непрестанными молитвами и молении начало иноческому житию положисте. Ей, угодницы святии, молитвенницы к Богу благоприятнейшии, теплыми вашими к Немю мольбами оградите и сохраните ны и святое селение сие ваше от труса, потопы, огня и меча,

наше́ствия инопле́менных и смертоно́сныя я́звы, от вражды́ и всяких нестро́ений, от всякия беды́ и ско́рби, и от всякаго зла: да непреста́нно на ме́сте сем, в ми́ре и безмо́лвии благоче́стно сла́вится пресвято́е я́мя Го́спода и Бо́га, и обрета́ют ве́чное спасе́ние и́щущии Егó. О преблаже́ннии отцы́ на́ши Зо́симо, Савва́тие и Ге́рмане! Услы́шите ны грешны́я, во святе́й оби́тели ва́шей и под кро́вом ва́шего защи́щения недостóйно жи́тельствующия, и благомо́щными ва́шими к Бо́гу ходата́йствы испроси́те душа́м на́шим грехо́в оставле́ние, жити́я исправле́ние, и ве́чных благ восприя́тие в Небе́сном Ца́рствии; всем же ве́рующим, и́же на всяком ме́сте и во всяко́й ну́жде призыва́ют вас в по́мощь и заступле́ние, и и́же с благоговейно́ю любóвию во оби́тель ва́шу притека́ют, не преста́ните излива́ти всякую благода́ть и ми́лость, сохраня́юще их от всякия сопроти́вныя си́лы, от всякия напа́сти, и от всякаго злаго́ обстоя́ния, и подаю́ще им вся потре́бная к душе́вной и телесней по́льзе. Наипа́че же моли́те Преми́лосердаго Бо́га, да утверди́т и укрепи́т Це́рковь Свою́ святу́ю, и все на́ше Правосла́вное Оте́чество в ми́ре и ти́шине, в любви́ и единомы́слии, в правове́рии и благоче́стии да сохра́нит и соблюде́т во ве́ки веко́в. **Ами́нь.**

Другая молитва

О преподо́бнии отцы́, вели́цыи заступни́цы в ско́рби и услы́шателие моли́тв, уго́дницы Бо́жии и чудотво́рцы Зо́симо, Савва́тие и Ге́рмане! Не забу́дите, я́коже обеща́стеся, посе́щати ча́да ва́ша. А́ще бо и отыдо́сте от нас те́лом, но ду́хом при́сно с на́ми пребыва́ете. Мо́лим у́бо вы, о преподо́бнии: изба́вите ны от огня́, от наше́ствия инопле́менников и междоусóбныя бра́ни, от тлетво́рных ве́тров, и от напрáсныя сме́рти, и от всех прило́гов бесо́вских, находя́щих на ны. Услы́шите нас грешных, и приими́те моли́тву сию́ и мо́ление на́ше, я́ко кади́ло благово́нное, я́ко же́ртву благоуго́дну, и ду́ши на́ша, злы́ми де́лы и сове́ты и по́мыслы умерщвлéнныя, оживи́те, и я́коже умершую отрокови́цу возста́viste, я́коже неисце́льныя ра́ны мно́гих исцели́сте, от духо́в нечи́стых зле му́чимых изба́viste, та́ко и нас, содержи́мых во у́зах вра́жиих, изми́те, и от сетей́ диа́вола изба́вите, из глубины́ прегрешéний изведи́те, и ми́лостивым ва́шим посе́щением и ходата́йством от враго́в ви́димых и неви́димых оградите́ ны, благода́тию и си́лою Всесвяты́я Тро́ицы, всегда́, ны́не и при́сно, и во ве́ки веко́в. **Ами́нь.**

Величание

Ублажа́ем вас, преподо́бнии отцы́ наши Зосімо, Савва́тие и Германе, и чтим святу́ю па́мять ва́шу, наста́вницы мона́хов, и собесѣдницы́ А́нгелов.

Преподобному Зосиме, игумену Соловецкому

17/30 апреля.

Тропарь, глас 4-й

Изво́лением Божѣственнаго ра́зума всели́лся еси́ в пусты́ню, и та́мо впері́в ум твой в Небе́сныя обители, ра́вно А́нгелом жити́е на землі пожив, в моли́твах, и трудѣх, и пощѣ́ниих, о́браз был еси́ твоим ученико́м; отону́дуже Бог, ви́дя твоѣ благо́е изво́ление, умно́жи тебѣ ча́да в пусты́ни, слез твои́х течѣ́ньми напая́емей; но я́ко имѣя дерзнове́ние к Бо́гу, помина́й ста́до, е́же собра́л еси́, му́дре, и не забуди́, я́коже обеща́лся еси́, посеща́я чад твои́х, Зо-сімо преподо́бне о́тче наш.

Кондак, глас 8-й

Христо́вою любóвию уязви́вся, преподо́бне, и Того́ крест сла́вный на ра́мо взем, понѣ́сл еси́, божѣственне воору́жився, и непреста́нныя моли́твы я́ко копие́ в руце́ имы́й, крѣ́пко ссекл еси́ бесо́вская ополче́ния. Тем зове́м ти: ра́дуйся, преподо́бне о́тче Зо́симо, мона́хов удобре́ние.

Молитва

О преподо́бный о́тче богому́дре Зо́симо, и́же богоуго́днаго жити́я твоего́ сия́нием, и трисо́лнечнога свѣ́та озаре́нием, пе́рвый ты строи́тель и наста́вник обители се́я вои́стинну яви́лся еси́, и отходя́ от жи́зни се́я привре́менныя те́лом, ду́хом неотсту́пно от богосочета́нныя бра́тии обеща́лся еси́ пребыва́ти, и обитель сию́ снабдева́ти. И ны́не при́зри с высоты́ небе́сныя свѣ́тлым о́ком на обитель твою́, и ви́ждь умно́жение и украше́ния ея́, приими́ любóвь возлю́бивших благоле́пие твоея́ обители, и устраи́ющих полѣ́зная, и умоли́ о них Го́спода, е́же ми́рно, здра́во, благополучна́я проведши́х ле́та, водвори́тися во обители Отца́ Небе́снаго. Буди́ ходата́й непреста́нный о все́й благочестиве́й держа́ве Росси́стей, е́же ей непоколеби́мей пребы́ти до кончи́ны ми́ра. Не забуди́ виногра́да си избра́ннаго, твоима́ рука́ма насажде́ннаго, защища́й от ли́сов а́дских, да не опустоша́т гроздо́в добродѣ́телей, умножа́й в нем ново-сажде́ния до кончи́ны ве́ка. О всеблаже́нне и преподо́бне о́тче наш Зо́симо, буди моле́бник и ходата́й ко Христу́ Бо́гу и о мне грѣ́шнем, да отпу́стит мно́гая мо́я согреше́ния Всеми́лостивый Госпо́дь твоими́ святы́ми моли́твами,

избавит мя от всякия скорби и напасти, и будущаго вѣчнаго мучѣнія, сподобит же Царствию Своему Небѣсному со всеми святыми. **Аминь.**

Величание

Ублажаем тя, преподобне отче наш Зосимо, и чтим святую память твою, наставниче монахов, и собеседниче Ангелов.

Преподобному Савватию Соловецкому

27 сентября / 10 октября.

Тропарь, глас 3-й

Удалився міра и водворився в пустыни, добрым подвигом подвизался еси, злостраданіем, и вниманіем, и молитвами, отонудуже и по смерти источаеши исцеления, Савватіе отче наш, моли Христа Бога спастися душам нашим.

Другой тропарь, глас 4-й

От юности твоея, преподобне, весь себе Господеву предложив, и земная вся оставль, Христовым стопам тепле последовал еси, и безплотным сожителем явился еси, и всем преподобным сообщник, преблаженне Савватіе. Тем молим ти ся, отче: молися о нас непрестанно Христу Богу, яко да милостив будет нам в День Судный.

Кондак, глас 2-й

Житейския молвы отбег, вселился еси в морской остров, мудре, и крест твой взем, Христу последовал еси, в молитвах, и во бдениих, и в пощениих, злостраданіи плоть твою изнуряя: тем был еси преподобных удобрение. Сего ради любовью память твою празднуем, преподобне Савватіе, моли Христа Бога непрестанно о всех нас.

Другой кондак, глас 3-й

Яко звезда всесветлая, добродетельми сияющи, чудес лучи испущающи, обоюду богатыя приходящих, души целя и телеса, благодать имея, Савватіе: прославляет бо Своя Си великий Дародатель.

Молитва

О преподобне отче, угодниче Христов Савватіе, всею душею Господа возлюбивый, и удаливыйся в пустыню сию, и течение подвига спасительнаго совершивый! О верный рабе Царя Небеснаго, учителю добродетелей, образе смирения, гражданин пустынный, Ангелом собеседниче, херувиме земный, человеке Небесный! О свете немрачный отока Соловецкаго, паче же велие светило всея Церкви правверных! Молюся ти, пречестне, аз многогрешный (*имя*): услыши убогое мое моление, вонми глаголом нечистых устен моих,

твоея ныне помощи требующаго. Се бо враг прелюкавый на всяко время тщится мя погубити, искый горько поглотити душу мою, и несть мне спасения, идеже помощь прияти, зане немощию плоти моея обложен есмь, и страстьми весь долу приклонихся, не имам к Богу дерзновения. Ныне же точно к твоему повергаю себе заступлению: помилуй мя омраченнаго всеми злыми делы, воздежи о мне всечестней твои рuce ко Господу, о молитвеннике теплый, Савватие преподобне: да за благоутробие щедрот Своих подаст ми грехов оставление, и в День Судный избавит мя вечнаго мучения, и Царствия Своего сподобит благодатию Своею, Емуже буди всегда слава, честь и поклонение во веки. **Аминь.**

Величание

Ублажаем тя, преподобне отче наш Савватие, и чтим святую память твою, наставниче монахов, и собеседниче Ангелов.

Преподобному Герману Соловецкому

30 июля / 12 августа.

Тропарь, глас 8-й

Желанием духовным от юности распляемь, преподобне Германе, Христу тесным жития путем последовал еси, и в морской пустынный остров аки в тихое пристанище вселився, в нем многа лета постнически пожил еси, идеже блаженным отцем Зосиме и Савватию сожитель был еси: с нимиже моли Христа Бога о нас, любовью чтущих святую память твою.

Другой тропарь, глас 8-й

Украсився, премудре, постническим житием, спостник был еси и сожитель в морстем отце преподобным отцем Зосиме и Савватию, сподвизався в молитвах, и трудех, и в пощениих, преподобне отче Германе; но яко имея дерзновение к Богу, моли избавити нас от враг, и спасти души наша.

Кондак, глас 4-й

Вышних желая, вся долу влекущая возненавидел еси, и отечество свое оставль, в поморие пустынное отшел еси, таже в морской остров удалився, в нем многа лета Господеву поработал еси. Темже память твою празднующе, любовьию вопием ти: радуйся, Германе богомудре, отче наш.

Молитва

О преподобне и богоносне отче наш Германе, безмолвнаго иноческаго жития во острове Соловецктем первоначальниче! Молим тя мы недостойнии, предстояще честным мощем твоим, имиже купно с чудотворными мощьми

преподобных отец наших Зосимы и Савватия освящается и прославляется богоизбранное место сие: буди и ты, с сими угодники Божиими, и прочими Соловецкими чудотворцы, и вся Российския земли Небесными предстатели, молитвенник и ходатай о нас грешных пред Престолом Вседержителя Бога, Ему же в дерзновении предстоиши со Ангелы и всеми святыми: да дарует нам яко благий и человеколюбивый, вся потребная к животу и благочестию, душам и телесем нашим здравие, во всех благих преспеяние, и Свою всемогущую помощь во всяких искушениях, бедах же и напастех, воздвигаемых на ны от враг спасения нашего; обители твоей моли избавитися от всякаго злаго обстояния, и приходящим в ню ближним и дальним получитьи вся просимая ко душевной и телесной пользе. Наипаче же испроси, угодниче Христов, всем нам грехов отпущение, христианскую кончину жития, и наследие Царства Небеснаго у Христа Бога нашего, Ему же честь и слава, со Отцем и Святым Духом, ныне и присно, и во веки веков. **Аминь.**

Величание

Ублажаем тя, преподобне отче наш Германе, и чтим святую память твою, наставниче монахов, и собеседниче Ангелов.

Собору преподобных отец, во отцах Соловецких просиявших *

9/22 августа.

Тропарь, глас 5-й

Сокровище многоценное отцов Соловецких, лозы Христовы рождие всеплодное, лучи многосветлаго Светила, сияюще добродетельми дивными и чудесы, отцы всечестнии, обители северныя доброты, предстояще Престолу Вседержителя, молитесь о нас, подвиги ваша чтущих, да спасет души наша.

Другой тропарь, глас 4-й

Взыскующе Христа, вождельнаго Бисера, во страну полунощную востекли есте, и подвигом первоначальников Соловецких поревновавше, леса и пустыни облагодухали есте своими богоугодными молитвами. Темже и Христос

* *Молитвословия Собору Соловецких святых благословлены Святейшим Патриархом Московским и всея Руси Алексием II для богослужебного использования в Соловецком монастыре и его скитах и подворьях.*

вас прослави, и мы вам вопиём: вси святїи Соловѣцтии, моли́те Бо́га спасти́ся душáм нáшим.

Тропарь молебный, глас 8-й

Пáче звезд сияюще добродѣтелями и чудесы́, преподóбием и прáвдою послуживше своему́ Влады́це, святїи вси ото́ков Соловѣцких, с преподóбными Зосі́мою, Савва́тием и Ге́рманом, святителя́ Фили́ппа я́ко бисера красне́йша во мно́жестве своём иму́ще, моли́те о нас Христа́ Бо́га, и от напáстей вра́жиих огражда́йте, любóвию сла́влящих вас.

Кондак, глас 8-й

Во́ини Христо́вы непобеді́мии, землі́ Соловѣцте́й сла́во и красото́, нача́лом животá сло́во Господне положившии, светильни́цы ра́зума и благоче́стия, просвѣщшии страну́ полунощную, моли́твенни́цы о всем мі́ре яви́лися есте́, вку́пе с пострада́вшими в землі́ сей́ новомученики, дерзнове́ние иму́ще ко Христу́ Бо́гу, испроси́те нам мир и ве́лию ми́лость.

Другой кондак, глас 3-й

Духо́внаго жи́тельства жела́юще, устремі́тесь в сурóвыя о́строва Бело́морія, и безбе́дно преплывше житѣ́йское мо́ре, собла́знов мирскі́х избе́госте, и в ра́дости ве́лией водвори́тесь; непреста́нным умным восхожде́нием Бо́га дости́гли есте́, и нас науча́ете Небе́сному восхо́ду.

Молитва

О сла́вный собо́ре, святїи землі́ Соловѣцкія, преподóбных сослóвие, пусты́нников со́нме, ино́ков ли́кове! Собла́зном ве́ка сегó умертвившеся, вре́менному ве́чное предпочѣтше, вы вселѣнием в морскія ото́ки в рабóту Го́споду себе́ всецѣло преда́ли есте́; пáче же песка́ морска́го умно́жистеся, и пáче звезд небѣсных сияете ны́не в невечѣрном Ца́рствии Влады́ки Христа́ Бо́га. Святится́ земля́ сия́ по́двиги ва́шими, живѣт благоуха́ющи ва́шими моли́твами, трепѣщет содержа́щи честны́я мо́щи ва́ша, и па́ки в послѣдняя времена́ освяще́на бысть кро́вию мученическою, за ве́ру Христо́ву zde излия́вшеюся. Вси святїи Соловѣцтии, о нихже ве́мы и не ве́мы, венцы́ нетлѣнными от Го́спода увенча́вшиися, и ризами убелѣ́нными оде́явшиися, благословѣ́ннии наслѣдницы го́рняго Иерусали́ма, моли́те Бо́га о обители́ сей́ и бра́тии ея́, и о всем многострада́льном Оте́честве нáшем: да в любві́ и единомудри́и вои́нствует святая́ Цѣрковь Правосла́вная, да ве́ра нáша пребыва́ет неприкоснове́нна злу, да да́рует нам Господь́ си́лу вся за ню́ претерпѣти, и да́же до Дне Су́днаго непоро́чну сохра́нити; ду́ши же нáша да просвети́т и пока́нием очи́стит, и

обителѣй Небѣсных Своѣх достѣйны сотворѣт. Да вѣину прославляем державу, и великолѣпіе, и человеколѣбіе Егѡ, ныне и прѣсно, и во вѣки вѣков. **Амѣнь.**

Другая молитва

О божѣственный полче, Небѣснии воины Христѡ Бѡга, преподѡбнии и богонѡснии отцы Соловецѣтии! Вы перѣе рѡлом евангельских учѣній дѹши своѣ плодонѡсны сотворѣли естѣ, послѣжде и неплодную пустыню сию яко благоцветѹщий рай соделали естѣ. И явились естѣ жѣрты благоприятныя Бѡгу, преобразившеся умным деланием; во свѣте невечернем узрѣли естѣ бѹдущія жѣзны славу. И Божѣственным огнем дѹши своѣ возжгѡсте, востекли естѣ в Сиѡн гѡрний, и нетварнаго свѣта причастѣли естѣ. Темже и нам, на землѣ сѹщим, ходѡтайствуете душѡм спасѣние, земных плодов изобѣліе, временѡ мѣрна, блага. Да и мы недостѣйнии, направляемии вашими молитвами, понѣ на конѣц нашего многмятежнаго житѣя возлюбим вѣчное пѡче временнаго, и в своѣ единонадесятый час порабѡтаем со усѣрдием Небѣсному Домовладѣцѣ Христѹ, и услышим Егѡ благоувѣтливый глас: приидѣте, наслѣдуйте угѡтованное вам Цѡрство от сложѣния мѣра. И мы с сердѣчным благодарѣнием пролиѣмся слезѡми неизрѣченныя радѡсти, и восхвалим великое и достопокланѣемое ѣмя Отца, и Сына, и Святаго Дѹха, ныне и прѣсно, и во вѣки вѣков. **Амѣнь.**

Величание

Ублажаем вас, преподѡбнии отцы наши, вси святѣи Соловецѣтии, и чтим святѹю пѡмѡть вѡшу, настѡвницы монахов, и собесѣдницы Ангелов.

Другое величание

Ублажаем вас, преподѡбнии отцы наши, во отѡцех Соловецѣцких просѣившии, и страны Беломѡрѣя свѣтом Христѡвым просветѣившии.

Другое величание

Величаем вас, вси святѣи Соловецѣтии, и чтим святѹю пѡмѡть вѡшу, вы бо молѣте о нас Христѡ Бѡга нашего.

**Святителю Филиппу, митрополиту Московскому
и всея Россіи, игумену Соловецкому**

9/22 января, 30 мая / 12 июня, 3/16 июля и 5/18 октября.

Тропарь, глас 8-й

Первопрестѡльников прѣемниче, стѡлпе Православѣя, ѣстины побѡрниче, нѡвый исповѣдниче, святителю Филипѣ, положивый дѹшу за пѡству твою:

тѣмже яко имѣя дерзновѣние ко Христу, моли за обитель сию и люди, чтущия достойно святую память твою.

Кондак, глас 3-й

Православия наставника и истины провозвестника, златоустаго ревнителя, российскийскаго светильника, Филиппа премудраго восхвалим, пищею словес своих разумно чада своя питающа: той бо языком хваление пояше, устнама же пение вещаше, яко тайнник Божия благодати.

Молитва

О пречестная и священная главо и благодати Святаго Духа исполненная, Спасово со Отцем обиталище, великий архиерее, теплый наш заступниче, святителю Филиппе! Предстою у Престола всех Царя, и наслаждаяся света Единосущныя Троицы, и херувимски со Ангелы возглашая песнь трисвятую, великое же и неизследованное дерзновение имѣя ко Всемилостивому Владыце, моли спастися паствы Христовы людем; благостояние святых Церквей утверди, архиереи благолепием святительства украси, монашествующия к подвигом добраго течения укрепи, обитель твою и вся грады и страны добре сохрани, и веру святую непорочну соблюсти умоли; мир весь представительством твоим умири, от глады и пагубы избави ны, и от нападения иноплемennых сохрани; старыя утеши, юныя настави, безумныя умудри, вдовицы помилуй, сироты заступи, младенцы возрасти, плененныя возврати, немощствующия исцели; и вездѣ тепле призывающия тя и с верою притекающия к тебе и усердно припадающия и молящияся тебе от всяких напастей и бед ходатайством твоим свободи. Моли о нас Всещедраго и Человеколюбиваго Христа Бога нашего, да и в день страшнаго пришествия Его шуйяго стояния избавит нас, и радости святых причастники сотворит, со всеми святыми, во веки веков.

Аминь.

Величание

Величаем тя, святителю отче наш Филиппе, и чтим святую память твою, ты бо молиши о нас Христа Бога нашего.

Пресвятой Богородице, пред Ее иконой «Хлебная»

Сия икона, именуемая также «Запечной», явилась иноку Филиппу, будущему игумену Соловецкому и впоследствии митрополиту Московскому, когда он проходил послушание в монастырской пекарне.

*Тропарь, глас 2-й **

А́нгелом пита́ема во мла́дости, Отрокови́це, в плоть пречи́стую Бо́га облéкла еси́, И́же Хлеб спасéния мíрови яви́ся, Тя же Пещь́ Хлебопода́тельную показá, и Небéсную Пита́тельницу рóда нáшего.

Кондак, глас 3-й

Образ Твой, Влады́чице, благоговéйно счита́ем, зна́мение чу́дно Твоего́ благово́ления: Ты бо живонóсный плод, Христа́, предíвно возрастíла еси́, в снедь спасíтельную лю́дем та́инственно да́вшего Себе́. Тем благодаря́ще вопи́ем Ти: ра́дуйся, безсме́ртныя трапéзы Прозябéние.

Величание

Велича́ем Тя, Пресвятáя Дéво, Богоизбра́нная Отрокови́це, и чтим о́браз Твой святы́й, и́мже то́чиши исцелéния всем с véрою притека́ющим.

Святителю Маркеллу, архиепископу Вóлогдскому, игумену Соловецкому *

22 марта / 4 апреля и 7/20 августа.

Тропарь, глас 4-й

В ли́це святы́х Соловéцких сия́я, премúдр наста́вник и́ноком яви́лся еси́, и свети́льник свéтел во архиере́ех, óтче наш святителю́ Маркéлле, моли́ о нас, любóвию чту́щих па́мять твою́.

Кондак, глас 8-й

Благода́ть па́стырства свы́ше от Бо́га приéм предвозвещéнием небéсным учите́ля твоего́ Иринáрха, обите́ли Соловéцтей во игу́менстве до́бре послужíв, Цéркви же Вóлогдстей во святителъстве, о благочéстии ревну́я.

** Тропарь и кондак иконе Божией Матери «Хлебная» имеют статус рукописных.*

** Молитвословия свт. Маркеллу благословлены Святейшим Патриархом Московским и всея Руси Алексием II для богослужебного использования в Соловецком монастыре и его скитах и подворьях.*

Покланяемся мощем твоим, Маркелле всеблаженне, и память твою светло празднуем.

Молитва

О пречестный и преславный отче Маркелле! Пастырю добрый, служителю Христов благоговейный, славы Соловецкия обители луче неугасимая, и архиереев сонма украшение всесветлое! От юности добродетелей многих исполнися, пламенем Божественныя любви возжжен, в пастырском звании верно подвизался еси, наставляя иноков на пути спасения, и Церкви Вологодстей многа лета доблественно послужил еси попечением о славе Божии и благонравии пасомых. По преставлении же твоём ко Господу, честныя мощи твоя воспитавшая тя обитель Соловецкая прият духовно радуясь, молитвенника тя у Престола Божия обрести. Ныне в присносущней славе Отчей пребывая, испроси у Царя царствующих мир обители твоей, от напастей ограждение, и от всяких бед и обстояний избавление; всем же православным христианом вся благая и ко спасению полезная. Посещении небесными твоими утверждай нас во всякой добродетели, утешая в немощех, помощь подавая в скорбех; и имже имаши дерзновением низводи на ны благодать Божию, возжигая ревность о Христе в сердцах наших: да благочестно на земли проживше, и со усердием Богу поработавше, сподобимся и в жизни будущей с тобою воспевати Всесвятую Троицу, Отца и Сына и Святаго Духа, во веки веков. **Аминь.**

Величание

Величаем тя, святителю отче наш Маркелле, и чтим святую память твою, ты бо молиши о нас Христа Бога нашего.

Преподобному Иринарху, игумену Соловецкому

17/30 июля.

Тропарь, глас 4-й

Постническое по Бозе житие возлюбив, вся плотская мудрования духу покорил еси, и воздержанием страсти умертвил еси, во трудех, и бдениих, и молитвах образ быв добродетели: тем монашескаго жития наставник показался еси, отче преподобне Иринарше, моли Христа Бога спастися душам нашим.

Другой тропарь, глас 8-й

Бодростию ума жизнь твою управляя, прилежанием Бога взыскав, отонудуже и стаду монахов предстатель показался еси, и благодать прием

целіти душі и телеса приходящим с véрою к честнымъ мощемъ твоимъ, Иринуше, отче наш, моли Христа́ Бóга спастися душамъ нашимъ.

Кондак, глас 8-й

Чистотою душевною Божественныя благодати дары стяжав, блаженную жизнь совершил еси, и путь ко спасению всем указал еси, и богомудрый начальник монахов явился еси: темже имея дерзновение ко Святей Троице, поминай нас, чтущих память твою, да зовем ти: радуйся, преподобне Иринуше, монашествующих похвало.

Молитва

О преподобне отче Иринуше, угодниче Божий и молитвенниче о душах наших! Услыши нас, ныне молящихся тебе, яко имущему дерзновение ко Господу, да подаст нам вся яже на пользу в сем житии нашем, и во уготовление к вечней жизни. Буди нам наставник в духовнем жителстве, утешитель бури страстей, помощник в скорбех, и заступник от враг невидимых, борющихся ны: да и мы, богоугодно прешедше поприще сей жизни, будем наследницы Царствия Небеснаго, и сподобимся вкупе с тобою славити Отца, и Сына, и Святаго Духа, во веки веков. **Аминь.**

Величание

Ублажаем тя, преподобне отче наш Иринуше, и чтим святую память твою, наставниче монахов, и собеседниче Ангелов.

Преподобному Елеазару Анзерскому

13/26 января.

Тропарь, глас 3-й

Отверг плоти тленная, нетленных потщался еси достигнути, и мира удалився, вселился еси в морской остров, и на нем усердно многа лета Господу поработал еси, сего ради и дары прозрения и чудес обогатился еси, отче преподобне Елеазаре, Христа́ Бóга моли даровати нам мир и велию милость.

Кондак, глас 1-й

Яко лучу ты солнечную, Христос показа, преподобне, сияющую во стране приморстей чудес благодатию: уставляеши бо плавающим тишину морскую, верою молящимся тебе и вопиющим: радуйся, Елеазаре отче наш, страны Беломорския похвало и утверждение.

Молитва

О преподобне отче наш Елеазаре, богоизбранный начальниче и основателю безмолвнаго иноческаго жития в пустыни Анзерстей, дарованной ти

милостию царёвою, сущия ради в тебе благодати пророческия! Молим тя мы смиреннии и недостойнии: испроси, угодниче Божий, у Вседержителя Бога, в Троице покланяемаго, Емуже в дерзновении с лики святых предстоиши, да дарует стране нашей мир и утверждение, на враги победу и одоление, Церквам благостояние, и всем людем тишину и благоденствие, и изобилие плодов земных. Угаси молитвами твоими разжженные на ны стрелы диавольския, да не прикоснется нам злоба греховная, да благочестно скончавше временное житие, сподобимся наследовати Царствие Небесное, и купно с тобою славити Отца, и Сына, и Святаго Духа, во веки веков. **Аминь.**

Величание

Ублажаем тя, преподобне отче наш Елеазаре, и чтим святую память твою, наставниче монахов, и собеседниче Ангелов.

Преподобному Иову Анзерскому *

6/19 марта и 29 мая / 11 июня.

Тропарь, глас 5-й

Показавый образ добродетелей, весь страха Божия и Духа Свята исполнен бысть, преподобне отче Иове, безмолвия истинный рачитель явился еси; Стратем Господним покланяясь, имже и обитель воздвигл еси во отце Анзерстем, пустынножителей наставниче, моли Христа Бога спастися душам нашим.

Кондак, глас 8-й

Любовь Христову в сердце стяжав, еяже ради многи скорби претерпевый, пристанище обрел еси в морстем отце, преподобнаго Елеазара заветов верный приемник явился еси; покровом Божия Матере осеняемый, достолаженне отче Иове, поминай нас чтущих святую память твою.

Молитва

О преподобне и богоносне отче наш Иове, пустыни Анзерския безмолвный обитателю, обетов монашеских истинный ревнителю, Ангелов любезный собеседниче, иноков в Бозе верный наставниче! Чудно житие твое, неисчислими подвижи твои, велие пред Богом дерзновение твое! Молим тя, избранниче Христов: посети немощствующия души наша, простри о нас теплую

* *Молитвословия прп. Иову благословлены Святейшим Патриархом Московским и всея Руси Алексием II для богослужебного использования в Соловецком монастыре и его скитах и подворьях.*

к Бо́гу моли́тву твою́, оградí заступлѣнием твоимъ обитель, тебѣ во изгнании приимшую, и на по́двиг безмолвiя тебѣ вдохновившую. Ты неустáнно в покаянномъ пла́чи пребывавый, поучая брáтию, яко сiе есть ключъ к Цáрству Небѣсному, помози́ нам, погибающимъ в нечувствии и окаянстве, твоимъ благодáтнымъ предстáтельствомъ отвѣргнутися всякия греховныя скверны, и плоды́ истиннаго покаяния Господу принести́. Ты украсивый собо́ю сонмъ иноковъ соловецкихъ, украси́ наше ску́дное житiе, призывая на насъ благословѣние Божiе, да оставивше вся до́лу влекущая, обратимъ мысленней о́чи свои́ к Бо́гу, и истинныхъ небесныхъ благъ насладимся. О досточудне Йо́ве, во смиренii твоёмъ возвеличивыйся, и нищетóю твоёю обогативыйся! Умоли́ Христа́ Бóга смиренiемъ дýши наша украсити, оскудевшая сердца́ наша небесными даровании исполнити. Сподоби насъ нищету́ Христову возлюбити, и стяжания еди́наго Дýха Святаго́ в сердце́ своёмъ присно желати. Ты до конца́ заповедь Божию́ о любви́ исполнивый, безмѣрную любовь́ к людемъ до послѣдняго вздо́ха в сердце́ носивый, недугующимъ и страждущимъ со усердiемъ велиимъ вину́ служивый, научи́ и насъ сей вѣщшей добродѣтели; умоли́ Господа́ Иисуса́ Христа́, да излиетъ отъ приснотекущаго исто́чника Своея́ Божественныя любви́ в обнищавшая сердца́ наша, да не то́кмо постомъ и бдѣнием, моли́твою и колѣнопреклонѣнием, но наипаче незлобiемъ и всепрощѣнием, другъ друга́ немощей ношѣниемъ приклонимъ к себѣ милосердiе Господа́, Иже есть всесовершенная Любо́вь, и в Цáрство Небесное, Цáрство вѣчныя радости, благодатию́ Его́ внидемъ. Достоблаженне Йо́ве, моли́твенниче к Бо́гу усерднейшii и благоприятнейшii, глуби́ною сердечною сокровенныя тайны́ Божия́ созерцати сподобивыйся, научи́ насъ тёплая и сокрушенная молѣния к Тому́ простирати, неусыпно́ Бóга предъ очима́ внутренними́ имѣти, имя́ Его́ сладчайшее, яко́ некое́ многоценное сокровище, в сердце́ присно благодарно хранити. Молимъ тя, преблагií отче, богоугоднаго житiя́ твоего́ ради сподобившагося посещения́ Матере́ Божия́, и повелѣние обительъ Распятию́ Христа́ Бóга создати отъ Нея́ приимшаго: испроси́ намъ твоёю́ благомо́щною моли́твою́ Тою́ заступлѣние и покрóвъ, да никогда́же оставитъ насъ всесильная́ по́мощь Цари́цы Небесныя. Поминай́ обещание́ твое́, мýдре, дýхомъ присно́ с нами́ пребывати, не отлучайся́ насъ, рабъ твоихъ, вѣрою́ тебѣ молящихся, и во благовременную́ по́мощь ты́ призывающихъ; моли́ за обительъ сию́, да процветѣтъ в нейъ святы́ня Господня́, да не исчезнутъ ея́ сокровеннии́ в Бóзе подвижницы́ и моли́твенницы́, да не

умолкнет глас воспевáющих Бóга, Емúже сла́ва, честь и поклонéние во вéки веко́в. **Ами́нь.**

Другая молитва

О преподо́бне о́тче Йо́ве, предста́телю наш к Бóгу неусы́пный, моли́твенниче о душа́х на́ших дерзнове́нный, пусты́ни А́нзерския красото́ пресвётлая, оби́тели Распя́тския си́ло духо́вная! Мно́гими труды́ ты Бóгу потрудив́шася, и на ко́нц жити́я к ли́ку ино́ческому приобщи́вшася, сподо́би Пресвята́я Богоро́дица спаси́тельным Страсте́м Христо́вым послужи́ти, го́ру безмо́лвну тобо́ю освяти́вши, ю́же нарече́ Голго́фу, вручи́вши ти устро́ити оби́тель скитскую; она́я же и процвете́ чу́дными по́двиги и по́стническим жити́ем твои́м и учени́к твои́х, и благода́ть почи́ на ней, и сла́ва Небе́сная облече́ ю. По́слежде же па́ки оправди́ся и́мя горе́ сей за мно́жество zde претерпе́вших гонéния и смерть, ве́ры Христо́вы и пра́вды ра́ди, и и́на сла́ва мучени́ческая осия́ твою́ оби́тель. Ны́не воста́вшей той от за́пустения и поруга́ний, и ми́лостию Бо́жиею То́му работа́ющей, иде́же и святы́я мо́щи тво́я́ яко многоце́нное сокрови́ще во хра́ме тобо́ю создáнным обрето́шася, предстоя́ще сей святы́ни, усер́дно мо́лим тя, досто́блаже́нне о́тче: даждь нам Креста́ умное зрéние в себе́ имéти, и благодарéние сердéчное за ны распéншемуся Христу́ Бóгу; воскресéния наде́жду и упова́ние спасéния простира́юще к То́му, крест жити́я своего́ взéмше, со вся́ким послуша́нием шéствовати путе́м Господним, пока́яния трудо́м сниска́ти благода́ть и дух любви́ Христо́вы в душа́х на́ших. Ино́чествующих сподо́би по́двигом до́брым подвиза́тися досто́йно звáнию, и всем правосла́вным испроси́ в за́поведех Бо́жих хождéние, и исполнéние добродéтелей, и в не́же ты безпреткнове́нно вшел еси́, Ца́рства Небе́снаго приобщéния, дабы́ и мы с тобо́ю та́мо наслажда́лися Божéственныя сла́вы, и воспевáли Всесвяту́ю Трои́цу, Отца́ и Сы́на и Свята́го Ду́ха, ны́не и прýсно, и во вéки веко́в. **Ами́нь.**

Величание

Ублажа́ем тя, преподо́бне о́тче наш Йо́ве, и чтим святу́ю па́мять твою́, наста́вниче мона́хов, и собесéднике А́нгелов.

Пресвятой Богородице в честь Ее явления
преподобному Йову Анзерскому *

18 июня / 1 июля.

Тропарь, глас 2-й

Явлѣнием Твоимъ, Пречистая, Йову благоговѣйну, горѣ пустынной Анзерстей Небѣсное благословѣние дадѣся, и еже новая Голгофа наречѣние, и основаніе обители Распятію Господню положи́ся. Тем благодарственная воспеваемъ Ти, Животода́вца Ма́ти.

Кондак, глас 3-й

Днесъ Небо земли Анзерстей дивно приклоніся Матѣре Божія светозарнымъ снизхождѣнием: посещаетъ тя, достолаженне Йове, Небѣсная Царица со Елеазаромъ преподобнымъ, попеченію Твоему вручаетъ гору священную Голгофу, и Распятскую обитель устроити в ней повелеваетъ. Сего ради воспеваемъ ти: раду́йся, преподобне отче Йове, таковыя благодати сподобивыйся.

Молитва

О Пресвятая Владычице Богородице, Мати Господа нашего, распѣнашагося за ны, и даровавшаго нам вѣчную жизнь, Иисуса Христа! Вемы Твою благодать и богатство любви Твоея к роду человѣчу: яко присно заступаеши ны, и милосердіемъ Твоимъ покрываеши, наипаче же подвизающимся подвигомъ добрымъ всеильную помощь Твою подаеши. Темже убо и безмолвней пустыни Анзерстей явила еси древле милость Свою всесвѣтлымъ посещеніемъ, даровавши имя горѣ сей Голгофа, озаривши ю сияніемъ благодати, и избранника Твоего преподобнаго Йова подвижни к созиданію обители во славу Крестныя жертвы Сына Твоего и Бога. Се, ныне мы сподобльшиися жителствовати во святѣй горѣ сей, и память творяще Твоего снизхождѣния, благодарне припадающе Ти, вопіемъ: Пречистая Дѣво, призри на уединенный морской отокъ сей, и на обитель Тобою благословенную, не остави ю Твоимъ Небѣснымъ попеченіемъ, сохраняй во благоуханіи міра Христова, утверждай труждающихся в ней в подвиже крѣпце, да гласа Господня послушающе, во след Его безпреткновенно шествуемъ в достиженіе обновленной жизни; да от Живоноснаго Креста

* *Молитвословія Явленію Пресвятой Богородицы прп. Йову благословлены Святейшимъ Патриархомъ Московскимъ и всея Руси Алексіемъ II для богослужбенаго использования в Соловецкомъ монастырѣ и его скитахъ и подворьяхъ.*

Господня силу почерпающе, крест иноческаго дѣлания и пустынножития достойно до конца держим, взирающе на воздаяние, и в подражание Христу возшедше кийждо на свою голгофу, да совершим свое спасение, и узрим свет Божественныя славы, и восприимем радость воскресения. О Мати Божия Препоблагословенная, посещай и впредь нас Твоим богоподобным милосердием, оживотворяй дыханием непрестающих Твоея любви, воздвизай на помощь нам святых, и в первых преподобных Йова и Елеазара, с нимже вкупе и бе чудное Твое явление, да тех молитвенным предстательством, наипаче же Твоим Божественным благоутробием, сподобимся обетованнаго нам Царства и безконечнаго блаженства, благоволением Отца, и Сына, и Святаго Духа. **Аминь.**

Величание

Величаем Тя, Пресвятая Дево, Богоизбранная Отроковице, и чтим еже во отце Анзерстем преславное явление Твое.

Преподобномученику Йову Ущельскому

5/18 августа и 3/16 ноября.

Тропарь, глас 8-й *

Обитель Соловецкую оставив, в пустыню же изшед, поревновал еси вере Авраамлей, терпению же Йовлю: не убоялся бо еси дальныя страны, в нейже водворився, обитель Христова Рождества создал еси, идеже положил еси по братии душу твою, преподобне Йове, отче наш, темже не престани Христу молиться за ны.

Молитва

Преподобне отче наш Йове, молитвою твоєю, и верою, и любовью, и чистотою сердца еще на земли во обитель предвечнаго Бога Слова душу твою устроивый, и мечным от разбойник усечением главы твоея житие запечатлевый, по отшествии же твоём от земных наипаче к Богу приближивыйся, но и от нас духом любви твоея не отступивый, и честныя твоя мощи, яко сосуд благодати полный, нам оставивый. Велие имея дерзновение ко Всемилостивому Владыце, моли Его спасти ны верующия и к тебе с любовью и теплою молитвою притекающих. Испроси нам от великодаровитаго Бога нашего всякий

* Тропарь прмч. Йову написан сщмч. Никодимом (Кононовым), еп. Белгородским, и имеет статус рукописного.

дар, коемуждо благопотребен во спасение, веры непорочны соблюдение, градов наших утверждение, мира умирение, от нашествия иноплемённых избавление, от глады и пагубы сохранение, младенцем воспитание, юным наставление, сиротам и вдовицам заступление, скорбящим утешение; по морю плавающим, хладныя пустыни и темныя дёбри преходящим верное ко пристанищу приведение; недугующим исцеление, бесным от демонскаго нашествия свободение, падшим во грехи покаяние и возстание, от Церкви Христовы отпадшим вразумление и на путь спасения возвращение, подвижающимся укрепление, благоделающим в делах благих преспеяние и благословение, отходящим от сего временнаго жития к вечному благу напутствие, отшедшим блаженное упокоение. О священная главо! посети место сие святое, древле кровию твоюю честною обогрэнное и омовённое; соблюди и укрепи молитвами твоими обитель твою, расшири ю, украси добродетельми жительствующих в ней, и вся притекающия к тебе добре сохрани во веки веков. **Аминь.**

Другая молитва

О преподобне и богоносне отче наш Йове! Велие имея к Богу дерзновение, молися непрестанно о всех нас, зане буря многих бед и скорбей обдержит ны: се бо недужи телеснии, болезни душевныя, приражения вражия обуревают ны; ходит бо враг наш, иский кого поглотити. Мы же о спасении нашем нерадяще, несмы достойни ниже возрети на высоту Небесную, ни Господа в помощь свою призвати. Но ты буди нам помощник во спасение скорый, и от зол избавитель неодолимый. Подаждь нам память смертную, слезы покаяния и надежду спасения, да не во отчаяние впадём, ниже дерзостным на милосердие Божие упованием, во гресех же пребыванием, в конец себе погубим. Но да будет нам память грехов наших во источник тёплых слез и сокрушения сердечнаго; милосердие же Божие и благодать Его во спасение наше молитвами твоими да подастся нам, твоим чадом, во веки веков. **Аминь.**

Другая молитва

О преподобне и богоносне отче наш Йове! Предстоя Престолу Пресвятыя Троицы, молися непрестанно о велицей державе Российстей и народе ея, о святей Церкви нашей, и всех православных христианех: да ходим кийждо достойно звания нашего, в нёмже звани быхом; и да будет земля наша земля добра, и вси живущии на ней род избран, царское священство, язык свят, людие обновления, ныне и присно, и во веки веков. **Аминь.**

Величание

Велича́ем тя, преподобно́мучениче Йо́ве, и чтим честна́я страда́ния тво́я, яже за Христа́ претерпе́л еси́.

**Преподобному Диодóру,
начальнику пустыни Юрьевой горы**

27 ноября / 10 декабря.

Тропарь, глас 2-й

Желáнием духо́вным распали́вся, мятéж мирскíй отрíнув, ко еди́ному Бо́гу любóвию прилепíся, и Того́ вседу́шне взыска́я, во вну́треннюю пусты́ню оты́де, при вода́х всели́ся, иде́же в слезáх и трудéх пребывáя многолétное врéмя, в терпéнии мно́зе житиé а́нгельское проходíл еси́ в наставлénии Божé-ственнаго рáзума. Ста́до инок собра́, мýдре, ихже посещáя не оста́ви, Диодóре преподóбне óтче наш, Пресвятéй Трóице моля́ся от зол всяческих изба́вити, и спасти́ ду́ши нáша.

Другой тропарь, глас 4-й

Яко светозáрная звезда́, в се́верных страна́х возсия́л еси́: измла́да Христа́ возлюбí, оста́вил дом и родíтелей сво́их, и доше́д Богоспаса́емья обíтели Соловэ́цкия, и та́мо ино́ческий о́браз восприя́ти сподóбился еси́, и дости́же Юрьевой горы́, на нейже обíтель и пречестнóй храм Живона́чальныя Трóицы воздвиѓл еси́, и собра́в инок мно́жества, и сподóбился еси́ посещéния и явлéния о Христé и собесéдования преподóбнаго Александра Ошевэ́нскаго, с нímже, преподóбне óтче наш Диодóре, у Христа́ Бо́га испросí правосла́вным христиáном здравие и спасéние, и душáм нáшим вéлию мýлость.

Кондак, глас 2-й

От ю́ности, преподóбне, плотскúю во́лю в постéх и моли́твах истончи́л еси́, крест свой́ взем, Христóви послéдовал еси́: тэмже к вóшним течéнием рáдостно устремíл еси́ себе́, иде́же со все́ми святы́ми Трóице Святéй предсто́йши; но и ны́не ста́до своé посещáя, поминáй чту́щих пречестну́ю пáмять твою́, да вси благодарно́ вопи́ем ти: рáдуйся, богомýдре Диодóре, наста́вниче наш пусты́нный.

Другой кондак, глас 2-й

Пóстническое и равноа́нгельское житиé на земл́и пожíл еси́, преподóбне, от ю́ности послéдовав Христú, и Того́ крест на ра́мо взем, послéдовал еси́, оста́вив тлénное и влеку́щее мудровáние, и бесóв посрамíл еси́, вóшняя селéния на небесéх рáдостно получи́л еси́, иде́же ны́не Святéй Трóице предсто́йши,

моли о нас, почитающих память твою, и верно тебе вопиющих: радуйся, преподобне Диодоре отче наш.

Молитва

О преподобне и достоблаженне Диодоре, отче наш, постниче терпеливодушный, безмолвия рачителю предоблий, учителю духовный спастися хотящим, разрешителю тлетворных страстей незлобивый, молитвенниче о биющих ты безвинно Хриstopодобный, прозорливства пророческого исполненный, предвозгласная о будущих благих цевнице, адаманте веры во Христа несекомый, столпе терпения незыблемый, заповедей Творца своего благопослушливый совершителю, плотоносный Ангеле, и Духа Святаго вместилище благоуханное, жителю пустынный несумнительный, смиренномудрый Небесный человек, и сожителю горним чиноначалием! Ты кратостию духа кратких землю наследовал еси, друг же и угодник в Троице славному Богу нашему явился еси, Иже и благоизволи. Вемы бо, преподобне, како Бог изобильно от раки твоея чудесному дождю верным кропити повеле. К тебе убо припадающе, любезно молим тя, угодниче досточудный: не престаи моляся Пресвятей и Живоначальной Троице, да низпослет стране нашей тишину и мир, на враги победу и одоление, Церквам же согласие, и всем людем смиренномудрие и изобилие благих. Угаси, блаженне, молитвами твоими парящия на ны разжженные бесовския стрелы, да не прикоснется нам злоба греховная; и всем всегда милостивное даруй. Призри и на мя недостойнаго: связан бо есмь люте пленицами прегрешений моих, и в пучину страстного моря влекомь (увьи мне!) неодоержанно. Сего ради прилежно молю святину твою, пребогате, и припадаю к тебе со слезами, глаголя: предстани ми на пути напасти моея, расторгни узы, отжени страсти, ослаби от греховных вериг, избави мя от належащия скорби и от всякаго зла, да не сведен буду по делом моим в снесь лютому миродержцу врагу; разреши мя от болезненных союз, и спасение даруй ми, яко да спасаемь молитвами твоими, воспою и прославлю от всея видимыя и невидимыя твари в Троице славиимаго Бога, Отца и Сына и Святаго Духа, ныне и в безконечныя веки веков. Аминь.

Другая молитва

О преславный, богоукрашенный, пресветлый светильниче, Небеснаго Царствия наследниче, безмолвия рачителю всеизрядный, трудоположниче терпеливодушный! Ты древле неплодную, ныне же тобою новопросвещенную Юрьеву гору светом Христовым озарил еси, на нейже и святую обитель воз-

двѣгл еси, и богоугодными твоими труды и подвиги, различными добротами и благолепием сию украсил еси, и честным твоим и чудотворным и цельбоносным мощем внутрь церкви Живоначальной Троицы покровенным положитися изволил еси, и теми страну сию освятил еси, и бесовския полки из нея изгнал еси. Помози мне грешному, о всеблаженне, Духа Святаго благодатию путь жития спасительно шествовати, просвети омраченную душу мою зарею богодарованная ти благодати, даруй ми богато неболезненным жительством пожити, покажи вход невозбранен во ограду вечнаго пребывания, сохрани блуждающего в пустыни житейстей, отжени от сердца моего душетлительную похоть, очисти скверну греховную молитвами твоими, язвы исцели, и спасение даруй, да весело зову ти спасаемь: радуйся, преподобне Диодоре отче наш, светило незаходямаго света, светло сияющая звездо пресветлая, в сия последняя времена в северных странах возсиявшая; радуйся, стране Российстей великое на супостаты поможение и заступление, во бранех крепкое одоление; радуйся, непоколебимый благочестия столпе, иноческих преданий твердый хранителю, и иноком наставниче духовный; радуйся, крепкий адаманте, и страшный бесом прогонителю и победителю; радуйся, граду нашему и богозданней твоей обители светлая доброто, и Отчеству твоему похвало вечная и непрестанная. Сподоби убо и мене всякия радости, и Небеснаго Царствия быти причастника, ныне и присно, и во веки веков. **Аминь.**

Величание

Ублажаем тя, преподобне отче наш Диодоре, и чтим святую память твою, наставниче монахов, и собеседниче Ангелов.

Преподобным Иоанну и Лонгину Яренским

3/16 июля.

Тропарь, глас 8-й

Яко звезды многосветлыя от юности возсиявше, осветили есте сердца верных пренесением честных мощей ваших; добродетельми чудес ваших, во плоти яко бо Ангели на земли покажетесь; пощением насаждени бысте, яко древо при водах воздержания, напоени струями слез ваших, и скверну омьисте: сего ради явитесь приятелище Божия Духа, Иоанне и Лонгине, молити Христа Бога спастися душам нашим.

Кондак, глас 8-й

Явитесь светильницы всесветлии, во плоти Ангели, яко живота древо райское, пощением, и бдением, и верою возвращаеми, процвели есте. Молит-

вами своїми Небѣсную благодать приѣмше, врачеве же крѣпцыи явльшеся, исцеляете недужныя и дѹши с вѣрою прибегающих к мощѣм вѣшим, чудотворцы славы, Иоанне и Лонгине. Сего ради вси вѣрою и любовью вопиѣм: радуйтеся, Поморстей странѣ похвало и утверждение.

Молитва

О святїи и праведнии Иоанне и Лонгине, угодницы Христовы и чудотворцы преславнии! Вы в постничестве и в дѣлах благочестия на землї подвижавшеся, Бѣгу угодїте, таже яко два светила свѣтлая по смѣрти в мїре просїяли естѣ, и вѣрныя вся чудесы вѣшими аки свѣтлою лучею просвещаете. Темже заступницы наші теплии на Небесї показастеся, и ныне многи в скорбех сущїя, и в бедѣх страждущїя, и погїбнути имущїя, здравы сохраняете молитвами вѣшими. И якоже прѣжде, дерзостне мощей вѣших коснѹвшїяся внезапно отрїнувше и расслабленїем наказавше, прикосновѣнием святых мощей тѣя помїловасте, тако и до днесь предивная чудеса во всем мїре от мѣста положѣния многоцѣлебных мощей вѣших соделоваете. Сего ради во святый храм ваш приходящїи людіе молятся, ко святым мощѣм вѣшим со благоговѣнїем и страхом Бѣжим припадающе, и просят получитьи здравїе душам и телесѣм своим. Ныне ѹбо, о преблаженнии угодницы Христовы и чудотворцы преславнии Иоанне и Лонгине, услышите молѣнїе нас грѣшных, с вѣрою вас призывающих: будите нам помощницы скорїи и покровителие теплейшии в путешествїи, и в мореплаванїи, и в домовнем пребыванїи; и вся православныя христианы молитвами вѣшими освятїте, в мїре и тишинѣ соблюдите, избылием всяцем снабдите, и во всем благом жизнь сїю препроводїти предстательствы вѣшими к Бѣгу сподобите: да тако молитвами вѣшими грехом нашім прощѣнїе получївше, Царствїя Небеснаго причастницы быти сподобимся, благодатию и человеколюбіем Бѣга нашего, Емѹже подобает всякая слава, честь и поклонѣнїе, ныне и прїсно, и во вѣки веков. **Амїнь.**

Величание

Ублажаем вас, преподобнии отцы наші Иоанне и Лонгине, и чтим святую памѣть вѣшу, наставницы монахов, и собесѣдницы Ангелов.

Преподобным Вассиану и Ионе Пертомїнским

5/18 июня и 12/25 июня.

Тропарь, глас 8-й

Прѣжде отверженїем мїра, яко морскаго треволнѣнїя избегосте, отцы преподобнии, послѣжде же изволенїем Бѣжим в водах морских кончину бла-

жённую приясте, и к неболезненному покою преставистесь от земли радующеся; тем и по кончине от Христа́ Бóга прославистесь чудесы́ обильно, тёплии в бедахъ вёрнымъ помощницы показастесь; и ныне на Небесехъ предстояще Престо́лу Христо́ву, Васси́ане преблаженне и Ио́но преславне, мо́литесь прѣсно о душа́хъ на́шихъ.

Кондак, глас 2-й

Яко сокровище богáтно, вёрнымъ Божественная благодáть из морскихъ недр издаде́ мо́щи ва́ша, отцы́ преблаженнии, и в мѣсте пу́сте цѣлы и невредимы обрето́шася преславно: и тако вас ра́ди ныне сла́вится Бог, Емуже со дерзновѣниемъ предстояще ныне на Небесехъ, Васси́ане и Ио́но досточуднии, мо́литесь непрестáнно о всехъ насъ.

Молитва

О преподобнии и всечестнии отцы́ Васси́ане и Ио́но, уго́дницы Христо́вы блаженнии и чудотворцы преславнии! Пóстничествомъ Бóгу пѣрвее уго́дивше, и дѣлы благочестно на землѣ подвижавшеся, яко свети́ла свѣтлая по смѣрти в мѣре возсия́вше, просвещáюще вѣрныя чудесъ свѣтлостию, вы заступницы тёплии показастесь: многия бо в скорбехъ и бедахъ страждущия и погѣбнути имущия здравы сохранѣсте, не послушавшия же заветчания ва́шего и мало-вѣрующия отмстѣтельно наказáсте, и прѣжде заблуждшей женѣ путевождѣ бѣсте, и ослѣпшему па́ки прозрѣние даровáсте, дерзостне же косну́вшася целѣбныхъ мо́щей ва́шихъ внезапно отрѣну́сте и разслаблѣниемъ наказáвше помѣловáсте. Къ симъ же и инáя преславная соделáсте, и бѣвшее во обители ва́шей оскудѣние сугубо испóлните. Мо́лимся у́бо ныне вамъ, о преблаженнии отцы́: услѣшите мо́ление на́ше, не прѣзрите насъ, в бедахъ и скорбехъ призывáющихъ васъ вѣрою, бѣдите помощницы намъ скорѣи и покровѣтелие вѣрнии; сохранѣте же во благодѣнствѣи, мѣре и тишинѣ Отѣчество на́ше. Къ симъ же и духóвнаго о васъ собрáния не оставите до концá, о преподобнии, но мо́литесь прѣсно о насъ ко Гóсподу, да мо́литвами ва́шими грехóвъ прощѣние получѣмъ, и Цáрствѣя Небѣснаго сподóбимся благодáтию Егó. Яко́ Тому́ подобáетъ всякая сла́ва, честь и поклонѣние, ныне и прѣсно, и во вѣки веко́в. **А**ми́нь.

Величание

Ублажа́емъ васъ, преподобнии отцы́ на́ши Васси́ане и Ио́но, и чтимъ святу́ю пáмять ва́шу, наставницы мона́ховъ, и собесѣдницы́ А́нгеловъ.